

# FAAFIN



# RASMI AH

## الرسمية

## الجريدة

EE JAMHURIYADDA DIMUQRADICA SOMALIYA

لجمهورية الصومال الديمقراطية

Sannadka 4aad

Muqdisho, 11 Maajo 1976

L. 1 R 5

Laanta Faafinta Rasmiga ah ee Madaxtooyada Golaha Sare ee Kacaanka

FAAFIN BIL-SOO BAXA

جريدة شهرية

QIIMADU: waa 5 shilin lambar waliba — RUKUNKA: Sanadii waa Sh. 100 Somaliya gudeheeda — dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janayo. Qiimaha qoritaanku F.R. halkii sadar iyo waxii ka yar waa 2 laba Sh. — Rukunka iyo qoritaanku waxaa la weydiistaa Laanta Maamulka Faafinta Rasmiga ah — Lacagta waxaa lagu bixinayaa Xafiska Canshuraha ee Wasaaradda Lacagta

## KOOBNIIN

## BOGGA KOOWAAD

## BOGGA KOWAAD

## SHARCI

SHARCI L. 11 ee 5 Abriil 1976, — Beddelaadda Sharciya L. 81; Qodobbada 2aad iyo 3aad ee 9.11.1976	Bogga	295
SHARCI L. 12 ee 9 Maajo 1976, — Beddelaadda Sharciyada Bixinta Baasaboorrada iyo Fiisada	»	296
SHARCI L. 13 ee 9 Maajo 1976, — Sharciya Lamb. yahay 61 ee 21 Oktobar 1975 kuna saabsan: «La wareegidda ganacsiga dibad ka keenka baabuurta iyo toleynta hoo- sooyinka waaweyn	»	297
SHARCI L. 14 ee 9 Maajo 1976, — Dhismaha Hay'adda Mashruucyada Barwaageynta Beelaha Danwadaagta	»	298

## BOGGA LABAAD

### X E E R

XEER MADAXWEYNAHA GOLAHA SARE EE KACAANKA, 4 Maars 1976, L. 46 — *Degmada Baardheere oo lagu daray Gobolka Gedo*

» 307

XEER MADAXWEYNAHA GOLAHA SARE EE KACAANKA, 11 Maars 1976, L. 47 — *Jaalle G.le Dhexe Xasan Abshir Faarax oo lagu magacaabay Guddoomiyaha Gobolka Bakool*

» 308

XEER MADAXWEYNAHA GOLAHA SARE EE KACAANKA, 17 Maars 1976, L. 48 — *Joojin ka guuridda Gobolka Boosaaso waqtiga xagaaga*

» 309

## BOGGA SEDDAXAD

### TALOOYIN ISGARSIIN OGEYSIIS IYO WIXII LA MID AH

WASAARADDA HAWLAHA GUUD, 29 Abril 1976 L. 97  
— *Naada dhul Xasan Samantar Jaamac*

» 310

MORODI - S.p.A. ee 11 Maajo 1976,, L. 98 — *Ogeysiis shir caadi ah iyo mid aad caadi ahayn*

» 311

MORODI SOCITEA' PER AZIONI, 11 Maajo 1976, L. 98  
— *Avvisio di convocazione di assemblea ordinaria & straordinaria*

» 312

S.I.C.A. - F. BOERO - S.p.A., 11 Maajo 1976, L. 99 —  
*Ogeysiis shir aan caadi ahayn*

» 313

S.I.C.A. - F. BOERO - S.p.A., 11 Maajo 1976, L. 99 —  
*Avviso di convocazione di assemblea*

» 314

SOCIETA' PRODOTTI ALIMENTARI - SOPRAL S.p.A.,  
11 Maajo 1976, L. 100 — *Ogeysiis shir caadi ah*

» 315

SOCIETA' PRODOTTI ALIMENTARI - SOPRAL S.p.A.,  
11 Maajo 1976, L. 100 — *Avviso di convocazione di assemblea ordinaria*

» 316

## BQGGA KOOWAAD

SHARCI L. 11 ee 5 Abriil 1976.

Beddelaadda Sharci L. 81, Qodobbada 2aad iyo 3aad ee 9 Noofembar 1976,

### GUDDOONSHAHA GOLAHA SARE EE KACAANKA

MARKUU ARKAY: Xaashida 1aad iyo tan 2aad ee Kacaanka 21kii Okoobar 1969;

MARKUU ARKAY: In loo baahan yahay in wax laga beddelo sharciga lamb. yahay 81 ee soo baxay 9.11.1975, si loo daryeelo cadaaladda iyo danta Qaranka.

ISAGOO TIXGELIYEY: Sharciga lamb. yahay 5 soona baxay 14 Febraayo 1976.

ISAGOO TIXGELIYEY: Go'aanka ka soo baxay Golaha Sare ee Kacaanka iyo kan Xoghayayaasha Dawladda.

### WUXUU KU GUDDOONSHEY

Sharciga soo socda:

Qodobka 1aad

1. Oggolaanshaha Madaxweynaha GSK iyo weydiinta Xeer ilaa-linta ama Maxkamadda ee ku xusan qodobka 2aad iyo kan 3aad ee sharciga L. yahay 81 soona baxay 9.11.1975, wuxuu noqon karaa qoraal ama af.

.2 Madaxweynaha GSK wuxuu oggolaanshahaas u wakiilan karaa Guddoomiyaha Guddiga Caddaaladda iyo Sharciga ee GSK.

Qodobka 2aad

Wax allaale wixii sharci ah ee ka soo horjeeda ama aan la socon karin sharcigaan waa la baabi'iyay.

Qodobka 3aad

Sharcigaan wuxuu dhaqan gelayaa marka Madaxweynaha uu saxiixo.

Muqdisho, 5 Abriil 1976.

GUDDOOMIYAH A.G.S.K.  
(S, Gaas Maxamed Siyaad Barre)

SHARCI L. 12 ee 9 Maajo 1976.

Beddelaadda Sharciyada Bixinta Baasaboorrada iyo Filsada.

**GUDDOONSHAH  
GOLAHA SARE EE KACAANKA**

ISAGOO TIXGELINAYA: Go'aankii Golaha Sare ee Kacaanka iyo Golaha Xoghayayaasha Dawladda;

WUXUU XEERAYAA:

*Sharciga soo socda:*

Qodobka 1aad  
*Bixinta Baasaboorrada*

Qodobka 2aad ee Sharciga tirsigiisu yahay 21 soona baxay 7di Abriil 1970 «Sharciga Baasaboorrada» waxa loo beddelay sida soo socota:

1. Baasaboorrada waxaa bixin kara:

I) Dalka gudihiisa Xoghayaha Wasaaradda Arrimaha Dibedda iyo Guddoomiyaha Gobolada ee dalka;

II) Dalka dibeddiisa Safaaradaha iyo Qunsuliyadaha (Missioni Diplomatiche e Consolari);

2. Codsiga Baasaboorrada mar walba waa inuu la socdaa qof ka hadal (Curriculum Vitae) caddaynaya qoska wuxuu yahay dhinac kasta marka laga eego.

3. Safaaradaha iyo Guddoomiyayaasha Gobollada waxay bixin ka raan Baasaboorrada kaddib marka ay ka helaan oggolaansho Taliska Ciidanka Nabadsugidda (Xafiiska Dhexe ee Socdaalka).

Qodobka 2aad

Qodobka 1aad ee Sharciga tiradiisu tahay 33 soona baxay 11 Abriil 1972 waxaa lagu kordhiyey laba xubnoood oo loo akhriyi doone sida soo socota:

a) Kharajka taararka iyo warqadaha kale ee ku saabsan codsiga Baasaboorka ama Fiisada waxaa bixin doona qofka doonaya Baasaboorka ama Fiisada;

b) Xafiiska Dhexe ee Socdaalka ee xubin ka ah Ciidanka Nabadsugidda waa inuu jawaab ka bixiyo codsiga Baasaboorka ama Fiisada muddo aan ka badnayn 7 maalmood gudahood.

Qodobka 3aad  
*Dhaqan Gelid*

Sharcigani wuxuu dhaqan gelayaan marka laga bilaabo 5 Oktoobar 1975.

Sharcigan waxaa lagu qori doonaa Faafinta Rasmiga ah ee Jamhuuriyadda Dimuqraadiga ee Soomaaliya.

Muqdisho, 9 Maajo 1976.

MADAXWEYNNAHA G. S. K.  
(*S. Gaas Maxamed Siyaad Barre*)

SHARCI L. 13 ee 9 Maajo 1976.

Sharciga Lamb. yahay 61 ee 21 Oktoobar 1975 kuna saabsan: «La wareegidda ganacsiga dibad ka keenka baabuurta iyo toleynta hoosooyinka waaweyn.

### GUDDOONSHAH GOLAHA SARE EE KACAANKA

ISAGOO ARKAY: Xaashida 1aad iyo tan 2aad ee Kacaanka 21ka Oktoobar 1969;

ISAGOO ARKAY: Sharciga Lamb. 61 ee 21 Oktoobar 1975 kuna saabsanaa la Wareegidda Ganacsiga dibad ka keenka Baabuurta iyo Toleynta Hoosooyinka Waaweyn iyo dhisidda Wakaaladda Ganacsiga Baabuurta iyo Qalabka Dayactirka;

ISAGOO AQOONSADAY: In loo baahan yahay in la fasaxo soo dejinta baabuurta duugga ah oo aan waddanka ku soo gelin lacagta adag (Franco Valuta).

ISAGOO TIXGELINAAYA: Go'aanka Golaha Sare ee Kacaanka iyo kan Xoghayayaasha Dawladda;

#### WUXUU SOO SAARAYAA:

*Sharciga soo socda:*

#### Qodobka 1aad

Qodobka 1aad ee Sharciga lamb. 61 ee 21 Oktoobar 1975 waxaa loo kala saarayaa afar (4) xubnoor, iyadoo xubinta hore Sharciga ku qorreyd loo aqoonsan doono xarafka (a), saddexda xubnoor ee kalena loo akhriyi doono sida soo socota:

b) Qodobkan ma qabanaayo baabuurta duugga ah ee aan waddanka ku soo gelin lacagta adag (Franco Valuta);

t) Wakaaladda Ganacsiga Gaadiidka iyo Qalabka Dayactirka iyadoo tixgelinaya qodobka 1aad ee Sharcigan, waxay bixinaysaa ruqsad lagaga soo bixiyo dekedaha baabuurta duugga ah halkii horey ay ka bixin jirtay Wasaaradda Ganacsiga);

j) Khidmadda iyo kharajka laga qaadi doono baabuurta waddanka la soo geliyo waxaa lagu soo saari doonaa Xeer uu saxiixc Guddoonshaha Golaha Sare ee Kcaaanka isagoo dhegeystay talada Xoghayaha Wasaaradda Gaadiidka.

#### Qodobka 2aad

Sharcigan wuxuu dhaqan gelay marka laga bilaabo 21kii Oktoobar 1975.

#### Qodobka 3aad

Sharcigan waxaa lagu soo saari doonaa Faafinta Rasmiga ah ee Dawladda.

Muqdisho, 9 Maajo 1976.

GUDDOONMIYAH G. S. K.  
(S. Gaas Maxamed Styaa Barre)

SHARCI L. 14 ee 9 Maajo 1978.

Dhismaha Hay'adda Mushruucyada Barwaaqeynta Beelaha Danwadaagta.

GUDDOONSHAH  
GOLAHA SARE EE KACAANKA

ISAGOO ARKAY: Xaashida 1aad iyo tan 2aad ee Kacaanka 21ka Oktoobar 1969;

ISAGOO AQOONSADAY: Inay tahay lagama maarmaan, si loo daryeelo danaha dadka abaaruuhu waxyeelleeyeen, degdegna loo gaarsiiyo isku filnaasho dhaqaale iyo nolol bulsho in loo dhiso Hay'dadda ku shaqa ahaaneyso horumarinta mashaariicda Beelaha Danwadaagta;

ISAGOO TIXGELINAAYA: Go'aanka Golaha Sare ee Kacaanka iyo kan Xoghayayaasha;

WUXUU SOO SAARAY

*Sharciga soo socda:*

Qodobka 1aad

*(Micneynta Erayada ee Sharcigan)*

b) *Beelaha Danwadaagta*; waxaa loola jeedaa:

1. Dad reer guuraa ah ee la dejiyey.
2. Dhadangeddin xirfadeed oo iyaga saameynaayana lagu sameeyay.
3. Dawladduna xil gaar ah iska saartay beelaha unkiddooda, dhismahooda, tacabgelintooda iyo u tabareyntooda xag dhaqaale, bulsheyn iyo siyaasadeyn intaba iyagoo,
4. Loo dejiyay hab ah nolol bulsho isku xiran oo leh wadajir-dhaqaale oo ku dhisan hab Hantiwadaag ah.

t) *Guddiga Beelaha Danwadaagta*; waa: guddi ka dhaxdhisan danwadaagta oo kala sarreeya oo iskooda isugu maamulayaan.

j) *Beeshu*; waa ururka ugu sarreeya ee unugyada Guddiyada Danwadaagta; wuxuuana ka koobmaa 400 oo qoys.

Qodobka 2aad

(Dhismaha Hay'adda)

1. Hey'adda Mashruucyada Barwaaqeynta Beelaha Danwadaagta ayaa sharcigan lagu dhisay oo hadda ka dib la oran doonaa: «HAY'AD».
2. Hay'addu waxay tahay mid madax-bannaan oo jirrid shaqsiyad Qeynuuni leh.

3. Hey'addu waxay u hoggaansami doontaa go'aannada ka soo baxa labada Gole, xagga maamulkana sharciyada lagu dhaqo Hay'ad madax-bannaan.

Qodobka 3aad

(Ujeeddada iyo Xilka Hey'adda)

Ujeeddooyinka Hey'adda waxay tahay:

- 1) Hirgelinta Barnaamijka Dejinta reer guuraaga.
- 2) Mid dhaqan gelisa hab hantiwadaag ah oo abuuraaya bulsho isku filan; dadka Danwadaagta ahna gaarsiiya isku filnaasho xag dhaqaale iyo xag dhaqan intaba.
- 3) Ka qaybgal dhismaha iyo kobcinta Dhaqaalaha Dalka.
- 4) Tusaale lagu hirgelinaayo dejinta reer-guuraaga.
- 5) Qorshaha, iskuduwigga, agaasinka, fulinta iyo kormeerka Ma-shaariicda loo sameeyay Beelaha Danwadaagta Beeraleyda iyo Kalluumey-satada; kuwaas oo ay ka mid yihiin beeraha, kalluumeysatada; iyo xoo-laha iyo digaaggaa ay Danwadaagtū dhaqanayso.
- 6) Habeynta iyo bulshadeyntra Danwadaagta iyadoo sare u qaadeysa dhaqaalahoooda iyo tacliinta carruurta yar yar iyo tan dadka waaweyn, isla markaasna daryeelaaya caafimaadkooda noloshooda iyo degaankooda.
- x) Hey'adda waxaa xil gaar ah ka saaran yahay hanuuninta iyo kor u soo qaadidda garaadka siyaasiga ee Danwadaagta; kuwaasoo mar kasta bartilmaameed u tahay mabaadi'da lagu caddeeyay warqadda Koowaad iyo tan Labaad ee Kacaanka 21ka Oktoobar 1969kii iyo go'aannada iyo talooyinka ka soo baxa Golaha Sare ee Kacaanka iyo kan Dawladdaba.
- kh) Hay'adda si ay u hirgeliso himilooyinkooda waxay la kaashan doontaa Hay'aadka Dawladda oo dhan, gaar ahaanna Xafiiska Siyaasadda Madaxtooyada G.S.K. Wasaaradda Beeraha, Wasaaradda Kalluunka iyo Gaadiidka Badha, Wasaaradda Hawlaha Guud, Wasaarada Xan-naanada Xoolaha, Dhira iyo Daaqa, Wasaaradda Caafimaadka, Wasaaradda Shaqada iyo Isboortiga, Wasaaradda Waxbarashada iyo Barbaarinta, Wasaaradda Arrimaha Gudaha, Ciidammada Qalabka Sida.

d) Wasaaradda Beeraha iyo Wasaaradda Kalluunka iyo Gaadiidka Badda waxaa xil ka saaran yahay mas'uuliyadda teknikada iyo ka qaybgalka qorshaha, hubinta iyo la socodka fulitaanka mashaaiirdca Beeraha iyo Kalluumeysiga, si ay u kala khuseyso.

r) Mashaariicda lagu hirgelinaayo Beelaha Danwadaagta waxaa lagu dhaqayaa hab Hantiwadaag ah oo mirihii ka soo baxa ay u dhexeynaayaan dadka Beelaha Danwadaagta ka tirsan iyadoo nidaamkaas lagu soo saari doono Xeer faahfaahinaaya habka qaybsadka dhaqaalaha iyo xuquuqda iyo waajibaadka la xiriira qofka ka tirsan Beelaha Danwadaagta.

s) Qof kasta oo Danwadaagta ka mid ah waxaa waajib ku ah inuu qayb ka qaataa hawlaha Danwadaagta; kuwa hawl dheeraad ah la yimaadana waxay Danwadaagta ku yeelnayaan abaalmarin dheeraad ah.

sh) Qof kasta oo Danwadaagta ka mid ah ee waajibaadkiisa gudannaaya wuxuu xaq u yeelanayaan daryeelka lagu tilmaamay Qod. 3aad, xarafka t; lambarka 2 iyo Qod. 7aad, baraagarafka saddexaad ee sharcigeen; wixii hawlgab ah da'da awgeed amase jirro iyo maatada ee Danwadaagta ku soo galay raridda iyo dejintii dadku abaaruhu waxyeelleeyeen, samafal ahaan ayay ku yeelanayaan daryeelka qodobbadaasi ay tilmaamayaan.

#### Qodobka 4aad

##### (Xubnaha Hay'adda)

Xubnaha Hay'adda waxay ka koobnaan doonaan:

1. Maareynta Guud iyo Laamaheeda;
2. Guddiyada Beelaha Danwadaagta.

#### Qodobka 5aad

##### (Guddiga Sare ee Dejinta iyo Mashruucyada Barwaaqeynta

##### (Beelaha Danwadaagta)

1. Waxaa la dhisay Guddi sare oo mas'uul ka ah dejinta Siyaasadda Guud ee Hay'adda lagu muumulaayo iyo hawlaha kala geddisan oo loogu tala galay Mashruucyada Barwaaqeynta Beelaha Danwadaagta.

Guddigu wuxuu leeyahay awood kormeer joogto ah ama mid kadis ah oo uu ku sameyn karo mashaariicda Danwadaagta; waxayna had iyo jeer go'aanno ka gaari doonaan sifaalaha lagu maamulaayo hawlaha Hay'adda la xiriira iyagoo hubinaaya hirgelinta mashaariicda Danwadaagta.

2. Guddiga Sare ee Dejinta iyo Horumarinta Beelaha Danwadaagta, wuxuu ka koobnaan doonaa:

- I. Qof ka tirsan G.S.K., xubinna ka ah Guddiga Siyaasadda iyo Bulshada - Guddoomiye.
- II. Xoghayaha Xafiiska Siyaasadda M.G.S.K. - Xubin.
- III. Xoghayaha Wasaaradda Arriimaha Gudaha - Xubin.
- IV. Xoghayaha Wasaaradda Beeraha - Xubin.
- V. Xoghayaha Wasaaradda Kalluunka iyo G. Badda - Xubin
- VI. Xoghayaha Wasaaradda Waxbarashada iyo Barbaarinta - Xubin.
- VII. Xoghayaha Wasaaradda Caafimaadka - Xubin.
- VIII. Xoghayaha Wasaaradda Maaliyadda - Xubin.
- XI. Xoghayaha Wasaaradda Hawlaha Guud - Xubin.
- XII. Xoghayaha Wasaaradda Shaqada iyo Isboortiga - Xubin.

3. Guddoomiyaha Guddiga Sare ee Dejinta iyo Horumarinta Beelaha Danwadaagta waxaa lagu magacaabi doonaa Xeer uu saxiixo Guddoonshaha Golaha Sare ee Kacaanka isagoo tixgelinaayo Go'aanka ka soo baxa Golaha Sare ee Kacaanka.

Qodobka 6aad

(*Maareynta Guud*)

1. Maareynta Guud waxay ka koobnaan doontaa:
  - I. Maareeye Guud;
  - II. Agaasimayaal Waaxood;
  - III. Xubno iyo laamo kala geddisan;
  - IV. Guddiyaal kala hooseeya oo Beelaha Danwadaagta maamulaysa.
2. Maareynta Guud waxay guud ahaan ka mas'uul tahay hirgelinta iyo fulinta go'aannada ka soo baxa Guddiga Sare ee Dejinta iyo Horumarinta Beelaha Danwadaagta; gaar ahaanna waxay ka mas'uul tahay maamulka lacagta, hantida Hey'adda, shaqaalaha iyo habka hirgelinta ujeeddooyinka Hey'adda.
3. Maareeyaha Guud ee Hay'adda wuxuu madax ka yahay maareynta guud ee Hay'adda; waxaana lagu magacaabi doonaa Xeer uu saxiixo Guddoonshaha Golaha Sare ee Kacaanka, isagoo tixgelinaaya go'aanka Golaha Sare ee Kacaanka iyo talo uu soo jeediyo Guddiga Sare ee Dejinta iyo Horumarinta Beelaha Danwagaata.
4. Agaasimayaasha waaxyaha xubnaha iyo laamaha Hay'adda waxaa lagu magacaabi doonaa habka ku qoran sharciga shaqaalaha Dawladda iyo kan Hay'adaha iydoolum tixgelinaayo Guddig Sare ee Dejinta iyo Horumarinta Beelaha Danwadaagta talada uu ka soo jeediyo.

Qodobka 7aad

(Guddiyada Degmooyinka Beelaha Danwadaagta)

Degmooyinka Beelaha Danwadaagta waxaa mashruuca wakiil uga noqon doona Guddiyada Kacaanka ee degmooyinka Beelaha Danwadaagta oo ka kooban:

b) Guddoomiye uu magacaabayo Guddoonshaha Golaha Sare ee Kacaanka isagoo la tashanaya Guddiga Sare ee Dejinta iyo Horumarinta Beelaha Danwadaagta.

t) Madadxa Shaqaalaha laamaha Dawladda ee ka shaqeeyaa Degmooyinka Danwadaagta oo loo xilsaaro hawlahaa Guddiga iyo

j) Madaxda Guddiyada Beelaha Danwadaagta.

Guddiyada Degmooyinka Beelaha Danwadaagta iyagoo kaashanaaya Guddiyada Beelaha Danwadaagta oo kala hooseeya waxay ka mas' uul yihii fulinta shaqada mashaariicda beelaha Danwadaagta, waxayna ilaalinayaan qof kastoo ka tirsan Danwadaagta shaqada uu hayo iyo si faalaha uu ku shaqeeyo iyagoo fulinaaya maamulka loo dejiyey hirgelinta mashaariicda oo lagu horumarinaayo Beelaha Danwadaagta.

Guddigu waxaa kale oo uu mas'uul ka yahay daryeelka nolosha, caafimaadka iyo hanuuninta Danwadaagta.

Qodobka 8aad

(Maamu.ka Hay'adda)

1. Hay'adda waxay maamtlaysaa Beelaha Danwadaagta Kurtunwarey, Sablaale, Dujuma, Baraawe, Cadale iyo Eyl.

2. Hay'adda waxay awood u leedahay beelo kale oo Danwadaagta ah in ay abuurto.

Qodobka 9aad

(Xarunta iyo laamaha Hay'adda)

Xarunta Hay'adda waxay ahaan doontaa Muqdisho. Hay'adda waxay laamo ku yeelan doontaa, haddii loo baahdo Gobollada.

Qodobka 10aad

(Awoodda Hay'adda)

1. Hay'adda waxay awood buuxda u leedahay fulinta hawlahaa loo xilsaaray; xilkaasoo ku tilmaaman qodobka 3aad ee Sharcigan.

2. Hay'adda waxay awood buuxda u leedahay inay miraha ka soo baxa mashaariicda Beelaha Danwadaagta ay ku gaddo dalka gudihiisa ama dibedda, iyadoo dhawreysa Sharciyada lagu maamulo ganacsiga wad-danka. Hay'addu waxaa kale oy awood u leedahay inay gasho heshiis ganacsi iyadoo ka wakiil ah Beelaha Danwadaagta.

Qodobka 11aad

(*Hawsha Maareeyaha Guud*)

1. Maareeyaha Guud waxaa loo xilsaaray, asagoo matalaaya Hay' adda fulinta ujeeddooyinka ku xusan qodobka 3aad ee Sharcigan; hawshiisuna waxay tahay;

b) Inuu saxiixo heshiisyada Hay'addu dhinac ay ka tahay isagoo sita ogglaanshaha Guddiga Sare ee Dejinta iyo Horumarinta Beelaha Danwadaagta;

t) Wuxuu mas'uul ka noqon doonaa habka maamulka shaqaalaha; wuxuuna awood u leeyahay inuu gaaraa go'aannada ku saabsan maamulka iyo asluubta shaqaalaha Hay'adda;

j) Inuu ka mas'uul noqdo lacagta iyo hantida Hay'adda isagoo raa-caya sharchiyada dalka;

x) Inuu qaado tillaabo degdeg ah, markii ay la soo gudboonaato, isagoo isla markaasna ogeysiinaaya Guddoomiyaha Guddiga Sare ee Dejinta iyo Mashruucyada Barwaagenta Beelaha Danwadaagta;

kh) Inuu ka bixiyo amar, wixii lagama maarmaan ah oo lagu fulinaayo maamulka guud ee Hay'adda iyo xisaabuhuna ugu socdaan hab fiican;

d) Inuu fuliyo wixii hawl lagama maarmaan ah ee ku saabsan shaqada Hay'adda ee caadiga ah;

r) Inuu fuliyo shaqada aan caadiga aheyn ee Hay'adda, isagoo haysta oggolaanshaha Guddoomiyaha Guddiga Sare ee Dejinta iyo Mashruucyada Barwaagenta Beelaha Danwadaagta.

2. Marka uu ka maqnaanayo muddo shaqada, hawi, jirro ama sabab kale oo shaqada ka reebta ay ku yimaaddiin, Maareeyuhu wuxuu u magacaabi karaa sarkaal ka tirsan madaxda waaxyaha Hay'adda ku-sime hawlaha Maareynta Guud ee Hay'adda, isagoo ka heysta oggolaanyada Barwaaqeynta Beelaha Danwadaagta.

Qodobka 12aad

(*Shaqaalaha Hay'adda*)

a. Shaqaalaha Hay'adda waxay ka kooban yihiin:

1) Shaqaale lagala soo wareegay Wasaaradaha ama Hay'adaha kale ee Dawladda;

2) Shaqaale ay Dawladdu qoratay iyadoo raaceysa habka shaqa qoridda oo sharchiyadu dhigayaan;

3) Farsamayaqaanno shisheeeye ah oo khibrad gaar ah u leh mashaa-riicda Hay'adda, iyadoo la raacayo nidaamka guud ee Dawladdu ugu tala gashay habka qoristooda,

b. Hay'adda waxay qoran kartaa shaqaale oo aan joogta ahayn, hawhooduna ku xiran tahay waqtii gaaban ama dheer (seasonal).

Qodobka 13aad

(Xuquuqda dhaqaalaha qeynuuniga ee Shdiqsalaha)

Xuquuqda dhaqaalaha qeynuuniga ee shaqaalaha: Maareeyaha Guud, Agaasimeyaasha waaxyaha, laamaha ama xubnaha kale, shaqaalaha kale ee Hay'adda waxaa xukumi doona Xeerka lambarkiisu yahay 36 ee soo baxay 22kii Abriil 1972 ee ku saabsan shaqaalaha Hay'adaha madax-bannaan.

Qodobka 14aad

(Raasamaalka Hay'adda)

Raasamaalka Hay'adda wuxuu ka koobnaan doonaa:

1. Wixii lacag ah oo dawladda ay ugu tala gashay fulinta mashaariicda ka socda Beelaha Danwadaagta taasoo ay ku jirto Miisaaniyadda Dawladda 1976ka iyo wixii ay ugu deeqi doonto sannadaha soo socda iyo wixii hanti iyo xoolo ah oo haatna lagu maamulo Beelaha Danwadaagta.
2. Wixii lacag deyn ah ee Hay'adda dibadda kaga yimaada amase waddanka gudihiisa.
3. Wixii kaalma ah oo dibadda kaga yimid Beelaha Danwadaagta.
4. Wixii lacag ah ee ka soo gala Hay'adda miraha mashaariicda ay fulinayso.
5. Wixii lacag keyd ah oo sannad kasta u dhigma Hay'adda.
6. Wixii hanti ah oo deeq amase si kale ku soo gala Hay'adda.

Qodobka 15aad

(Maaliyadda iyo Miisaaniyadda Hay'adda)

1. Sannadka Maaliyadda ee Hay'adda waxay ka bilaabmaysaa sannad kasta 1da Jannaayo waxayna ku dhammaaneysaa 31ka Disembar.
2. Sannad kasta bisha Oktoobar 30keeda inta ka horreysa Maareeyaha Guud waa inuu isku-dubbarridaa Miisaaniyadda ku saabsan sannadka Maaliyadda ee soo galaaya, isagoo faahfaahinaaya kuna muujinaaya miisaaniyadda wixii lacag ah ee soo geli doona amase ka bixi doona Hay'adda sannadka soo socda; wuxuuna soo hordhigi doonaa si loo ogolaado Guddiga Safe ee Dejinta iyo Horumarinta Beelaha Danwadaagta iyo Madaxtooyada Golaha Saré ee Kacaanka.

3. Sannad kasta, bisha Maarsø 31keeda inta ka horreysa, Maareeyaha Guud waa inuu diyaariyaa, iskuna dubbaridaa xiritaanka Miisaaniyadda sannadka la soo dhaafay isagoo isku hagaajinaaya xisaaba sannadkaasi soona bandhigaaya macaashka iyo kharajka ee Hay'adda; wuxuuna u gudbinayaa Guddiga Sare ee Dejinta iyo Horumarinta Beelaha Danwadaagta iyo Madaxtooyda Golaha Sare ee Kacaanka si ay u og golaadaan.

4. Miisaaniyadda Sannadka ee lacagta Hay'adda waa inay ahaataa mid la socota, tixgelinaysana Miisaaniyadda Dawladda.

5. Miisaaniyadda Lacagta ee Hay'adda waa inay ka muuqdaan wixii macaash ah oo laga soo saaray Beelaha Danwadaagta; si faahfaahinsaan ah Xisaabta degma kasta ay leedahay iyo wixii macaash u ah sannadkaas.

Qodobka 16aad

(Amaah sharci ah)

1. Hay'adda ayadoo haysata go'aanka Guddiga Sare ee Dejinta iyo Mashaariicda Barwaaqenta Beelaha Danwadaagta waxay heshiis amaah ah la geli kartaa Hay'adaha iyo Bunuugta ee waddanka gudihiisa iyo kuwa caalamigaba si ay u hirgeliso ujeeddooyinka Hay'adda una fuliso xilkeeda.

2. Hay'adda markay amaahdaas qaadanayso, gaar ahaan kuwa dibedda, waxay mataleysaa Dawladda Soomaaliyeed oo ay magaceeda amaahda ku qaadan doonto.

Qodobka 17aad

(Xeerka Maamulka Lacagta)

Maamulka Lacagta Hay'adda waxaa lagu dhaqayaa Xeerka Iambarkiisu yahay 58 ee soo baxay ~~51~~ kii Luulyo 1972, kuna saabsanaa Hay'adaha madax-bannaan.

Qodobka 18aad

(Xeerka Guud)

1. Gudsoonshaha Golaha Sare ee Kacaanka wuxuu soo saari doonaa xeer gaar ah oo ku saabsan habka maamulka Beelaha Danwadaagta.

2. Gudsoonshaha Golaha Sare ee Kacaanka wuxuu soo saari karaa Xeer guud oo faahfaahinaaya sharcigan isagoo tixgelineaya talada uu soo jeediyo Guddiga Sare ee Dejinta iyo Mashaariicda Barwaaqeynta Beelaha Danwadaagta.

Qodobka 19aad

(*Baabii' in sharci*)

Sharci kasta ama Xeer kasta oo ka soo horjeeda ama aan la socon karin sharcigan waa la baabii'iyey.

Qodobka 20aad

(*La wareegid hanti*)

Hantida iminkan lagu maamulo mashaariicda ka socota Beelaha Danwadaagta oo maamulkeeda loo xilsaaray Hay'adda, iyada ayaa la waregeysa, sidaasoo kale wixii lacag ah ama xoolo ah oo u socda mashaariicda ee sharcigan tilmaamaya.

Qodobka 21aad

(*Dhaqan gelid*)

1. Sharcigan wuxuu dhaqan gelayaa marka laga bilaabo bisha Jannaayo 1da 1976.

2. Sharcigan wuxuu ka mid noqonayaa sharciyada Jamhuuriyadda Dimuqraadiga ee Soomaaliya, waxaana lagu soo saarayaa «Faafinta Rasmiga ah ee Dawladda».

3. Qof kasta oo ku shaqa leh waa inuu dhawraa, tixgeliyaana kuna khasbaa dadka kale inay dhawraan sharcigan.

Muqdisho, 9 Maajo 1976.

MADAXWEYNAYA G. S. K.

(*Jaalle S. Gaas Maxamed Siyaad Barre*)

*naamrM zdoi shrdlu ma mmaa mfwyp m*

## BOGGA LABAAD

XEER L. 46 ee 4 Maars 1976.

Degmada Baardheere oo lagu daray Gobolka Gedo,  
Oktoobar 1969;

GUDDOONSHAH  
GOLAHA SARE EE KACAANKA

ISAGOO ARKAY: Xaashida 1aad iyo tan 2aad ee Kacaanka 21ka

ISAGOO ARKAY: Sharciga lamb. yahay 52 ee 8dii Juunyo 1972  
oo ku saabsanaa Maamulka Dawladda Hoose;

ISAGOO AQOONSADAY: Inay tahay lagama maarmaan in Deg-  
mada Baardheere lagu daro Gobolka Gedo,

WUXUU XEERAY

Qodobka 1aad

In Degmada Baardheere lagu daro Gobolka Gedo.

Qodobka 2aad

Wixii xeer ah ee ka hor imanaya oo aan la soconin Xeerkani waa la  
tirtiray.

Qodobka 3aad

Xeerkani wuxuu dhaqan galayaa isla markii uu saxiixo Jaalle Ma-  
daweynaha Golaha Sare ee Kacaanka, waxaana lagu soo saari doonaa  
Faafinta Rasmiga ah ee Dawladda.

Muqdisho, 4 Maars 1976..

XOGHAYAHA DAWLADDA EE  
WASAARADDA ARR. GUDAHA  
(S. Gaas Jaamac Maxamed Qaalib)

MADAXWEYNAHA G. S. K.  
(S. Gaas Maxamed Siyaad Barre)

WAAN ARAGNAY EE DIIWAANGELINNAY

Diiwaanka lambar 1 bogga lambar 73

Muqdisho 3 Maajo 1976

Hantidhawrka Guud

(G.le Dhëxe Cabdullaahi Warsame Nuur

XEER L. 47 ee 11 Maarso 1976.

Jaalle Gile Dhexe Xasan Abshir Faarax oo lagu magacaabay Guddoomiyaha Gobolka Bakool.

GUDDOONSHAHÀ  
GOLAHA SARE EE KACAANKA

ISAGOO ARKAY: Xaashida 1aad iyo tan 2aad ee Kacaanka 21ka Oktoobar 1969kii;

ISAGOO ARKAY: Qodobka 7aad ee Sharciga lambarkiisu yahay 52/72, soona baxay 8dii Juunyo 1972kii;

ISAGOO ARKAY: Warqadda lambarkeedu yahay GSK/77/D-181, taariikh 10.2.1976 ee Madaxtooyada Golaha Sare ee Kacaanka, kuna saabsan magacaabid iyo beddelaad;

ISAGOO OGADAY: Baahida loo qabo in loo magacaabo Guddoomiyeye Gobolka Bakool;

ISAGOO TIXGELIYEH: Taladii Xoghayaha Dawladda ee Wasaaradda Arrimaha Gudaha;

WUXUU GOOYEH

Qodobka 1aad

In Gaashaanle Dhèxe Xasan Abshir Faarax lagu magacaabay Guddoomiyaha Guddiga Kacaanka ee Gobolka Bakool, marka laga bilaabo 10 Febraayo 1976.

Qodobka 2aad

Xeerkani wuxuu dhaqan galayaa degdeg waxaana lagu soo saari doonaa Faafinta Rasmiga ee Dawladda.

Muqdisho, 11 Maارso 1976.

XOGHAYAHA DAWLADDA EE  
WASAARADDA ARR. GUDAHÀ  
(S. Gaas Jaamac Maxamed Qaalib)

MADAXWEYNAAHA G. S. K.  
(S. Gaas Maxamed Siyaad Barre)

WAAN ARAGNAY EE DIIWAANGELINNAY  
Diiwaanka lambar 1 bogga lambar 73  
Muqdisho 3 Maajo 1976  
Hantidhawrka Gitud  
(Gile Dhexe Cabdullaahi Warsame Nuur)

XEER L. 48, 17 Maars 1976.

Joojin ka guridda Gobolka Boosaaso waqtiga xagaaga.

ISAGOO ARKAY: Xaashida 1aad iyo tan 2aad ee Kacaanka 21ka Oktoobar 1969;

ISAGOO ARKAY: Sharciga lambar 52/72 ee 8.6.1972;

ISAGOO AQOONSADAY: In ay tahay lagama maarmaan in la joojiyo guuristii Gobolka Bari loo soo rari jiray Degmada Qardho waqtiga kulaylka ee dhaqaalaha iyo hirgelinta hawlah Gobolka naafeyn jirtay.

ISAGOO TIXGELIYEEY: Go'aankii Guddiga Kacaanka ee Gobolka Bari oo uu gaaray fadhibigii 28 Disembar 1975;

ISAGOO TIXGELIYEEY: Ra'yigii Xoghayaha Dawladda ee Wasaarradda Arrimaha Gudaha;

ISAGOO TIXGELIYEEY: Amarkii Guddiga Dhaqaalaha Golaha Sare ee Kacaanka ee ku qornaa warqadda ku lambarsan EU/MI/RG/8/200/76 ee 18 Febraayo 1976.

### WUXUU XEERAY

Qodobka 1aad

In la joojiyey ka soo guuriddii uu Gobolka Boosaaso ka soo guuri jiray waqtiga xagaaga magaalada Boosaaso loona soo rari doono Degmada Qardho.

Qodobka 2aad

Xeerkani wuxuu dhaqan galayaa isla markiiba waxaana lagu soo saari doonaa Faafinta Rasmiga ah ee Dawladda.

Muqdisho, 17 Maars 1976.

XOGHAYAHA DAWLADDA EE  
WASAARADDA ARR. GUDAHAA  
(S. Gaas Jaamac Maxamed Qaalib)

MADAXWEYNAHA G. S. K.  
(S. Gaas Maxamed Siyaad Barre)

### WAAN ARAGNAY EE DIIWAANGELINNAY

Diiwaanka lambar 1 bogga lambar 73

Muqdisho 3 Maajo 1976

Hantidhawrka Guud

(G.le Dhexe Cabdullaahi Warsame Nuur)

## BOGGA SEDDAXAD

TALOOYIN ISGARSIIN OGEYSIIS IYO WIXII LA MID AH

" WASAARADDA HAWLAHA GUUD

N A A D A      D H U L

Waxaa la caddeynaya in Jaalle Xasan Samantar Jaamac u soo qortay arji qaybta Dhismaha iyo Dhulka taariikhdu markay ahayd 9.3.1976, uu ku weydiisanayey dhul dhismo dawladeed kuna yaal Muqdisho Degmada Hodan km. 5, oo leh qiyaas afar gees siman 100X100 kuna fadhiya 10.000 mdh.

Soohdin:

Waqooyi waxaa ka xiga Waddo.  
Koonfur waxaa ka xiga Waddo  
Galbeed waxaa ka xiga Waddo  
Bari waxaa ka xiga Ibraahim Xaashi.

Qofkii danaynaya wuxuu si fiican uga arki karaa naqshadda dhulka oo taal Qaybta Dhismaha iyo Dhulka ee Wasaaradda Hawlaха Guud, dhulkaa waxaa laga doodi karaa muddo ku siman 30 (soddon) maalmood, ee laga bilaabo maalintii lagu naadshey buugga xeerka dawladda. Muqdisho, 29 Abril 1976.

Maamulaha Qaybta Dhismaha iyo Dhulka  
(Inj. Ibraahim Cige Maydhane

MORODI — S.p.A.

Saldhiggeedu yahay Muqdisho - Ra'sumaal Shs. So. 2.000.000

OGEYSIIS SHIR CAADI AH IYO MID AAN CAADI AHAYN

Sahmiqabayaasha Sharikadda «MORODI» S.p.A., waxaa la isku yeerayaa in ay ka soo qayb galaan Shirka Caadiga ah iyo midka aan caadiga ahayn oo lagu qaban doono Xafiiska Rag. Giovanni Baulino, kuna yaal jidka Vola. 3, Torino (Italia) maalinta 29ka Maajo 1976, 9,50 subaxnimo, haddiise fadhigaas suuro geliwaayo waxaa mar labaad Shirka la qaban doonaa maalinta 31ka Maajo 1976 isla saacadda iyo Xafiiska kor ku xusan, si looga falanqoodo, go'aanna looga gaaro arrimaha hoos ku tifaftiran:

A) *Dhinaca Caadiga ah*

- 1) Xog-warranka Guddiga Maamulka iyo Guddiga Baarayaasha;
- 2) Miisaaniyadda iyo kharajiiya iyo dakhliga ilaa 31ka Disember 1975;

B) *Dhinaca aan Caadiga aheyn*

- 1) In la saa'idiyo Ra'sumaalka Sharikadda oo ah Sh. So. 2.000.000 ilaa xad laysku raaco;
- 2) Haddii taas la isla oggolaan waayo, in laga hadlo baabi'inta Sharikadda iyo go'aannada la xiriira.

Waxaa xaq u leh in ay shirka ka soo qayb galaan sahmiqabayaasha ku qoran buugga Sharikadda ilaa shan maalmood ka hor maalinta shirka la qaban doono.

GUDDIGA MAAMULKA

MORODI Società per Azioni

Sede in Mogadiscio - Capitale Sociale Shs. So. 2.000.000

**AVVISO DI CONVOCAZIONE DI ASSEMBLEA**

**ORDINARIA & STRAORDINARIA**

I signori Azionisti della Società Agricola «MORODI» S.p.A. sono convocati in Assemblea Ordinaria & Straordinaria in Torino presso lo Studio del Dott. Rag. Giovanni Baulino, Via Volta n. 3, per il giorno 29 maggio 1976, alle ore 9,30 in prima convocazione ed, occorrendo, in seconda convocazione per il giorno 31 maggio 1976 alla stessa ora e nello stesso luogo, per discutere e deliberare sul seguente:

**ORDINE DEL GIORNO**

**A) Parte Ordinaria**

- 1) Relazione del Consiglio di Amministrazione e Rapporto del Collegio Sindacale;
- 2) Bilancio e conto Perdite & Profitti al 31 dicembre 1975 e deliberazioni relative;

**B) Parte Straordinaria**

- 1) Proposta di aumento del capitale sociale da Sh. So. 2.000.000 ad importo da determinarsi.
- 2) In alternativa a mancata delibera di aumento del capitale sociale, proposta di scioglimento della Società e conseguenti delibere relative alla liquidazione.

Hanno diritto di partecipare all'Assemblea come sopra convocata gli azionisti iscritti nel libro soci almeno 5 giorni prima di quello fissato per l'Assemblea.

**IL CONSIGLIO DI AMMINISTRAZIONE**

S.I.C.A. — F. BOERO — S.p.A.

Società Industriale Commerciale Armatoriare

Saldhiggedu yahay Muqdisho — Ra'sumaal Shs. So. 2.200.000

OGEYSIIS SHIR AAN CAADI AHAYN

Sahmiqabayaasha Sharikadda S.I.C.A. - F. BOERO - S.p.A. saldhiggedu yahay Muqdisho, waxaa la isku yeerayaa shir aan caadi ahayn, laguna qaban doono magaalada Roma, Jidka Brenta 2, bisha markay tahay 31ka Maajo, saacadda 16,00 galabnimo, haddii loo baahdana mar labaad 7da fuunyo 1976 isla saacadda iyo meesha kor ku xusan, si looga falanqoodo go'aanna looga gaaro arrimaha soo socda:

BARNAAMIJKA SHIRKA

- 1) In saldhigga Sharikadda loo baddalo Roma, Italia;
- 2) Baddalid Nidaamka Sharikadda.

S.I.C.A. - F. BOERO - S.p.A.

S.I.C.A. — F. BOERO — S.p.A.

Società Industriale Commerciale Armatoriale

Sede in Mogadiscio — Capitale Shs. So. 2.200.000

**AVVISO DI CONVOCAZIONE DI ASSEMBLEA STRAORDINARIA**

Gli Azionisti della Società Industriale Commerciale Armatoriale - Francesco Boero & Figlio - S.I.C.A. - S.p.A. - con sede in Mogadiscio sono convocati in Assemblea Straordinaria in Roma, Via Brenta, 2, in prima convocazione per il giorno 31 maggio 1976 alle ore 16,00 ed, occorrendo, in seconda convocazione alla stessa ora e nello stesso luogo per il giorno 7 giugno 1976, per discutere e deliberare sul seguente:

**ORDINE DEL GIORNO**

- 1) Trasferimento della Sede Sociale a Roma in Italia;
- 2) Modifiche statutarie.

S.I.C.A. - F. BOERO S.p.A.

(99)

SOCIETA' PRODOTTI ALIMENTARI — SOPRAL — S.p.A.

Saldhiggedu yahay Muqdisho — Ra'sumaal Shs. So. 1.000.000

*OGEYSIIS SHIR CAADI AH*

Sahmiqabayaasha Sharikadda SOPRAL - S.p.A., saldhiggedu yahay Muqdisho, waxaa la isku yeerayaa in ay ka soo qayb galaan shirka caadiga ah oo lagu qaban doono xarunta Sharikadda, maalinta 5ta Juunyo 1976, 10ka subaxnimo, haddii loo baahdana, fadhi labaad maalinta 12ka Juunyo isla saacadda iyo meesha kor ku xusan, si looga falanqoodo go'aanna looga gaaro arrimaha soo socda:

**BARNAAMIJKA SHIRKA**

- 1) Xog-warranka Guddiga Maamulka iyo tan Baarayaasha;
- 2) Hor dhigid Miisaaniyadda iyo Kharajka iyo Dakhliga ilaa 31ka
- 3) Abaalguudka Guddoomiyaha Guddiga Maamulka.

Waxa xaq u leh in ay shirka ka soo qayb galaan sahmiqabayaasha ku qoran buugga Sharikadda ilaa shan maalmood ka hor maalinta la qaban doono shirka, ilaa waqtigaas dhigaan sahmiyaashhooda xarunta Sharikadda amase Banki ku yaal Muqdisho.

**GUDDIGA MAAMULKA**

(100)



SOCIEA' PRODOTTI ALIMENTARI — SOPRAL — S.p.A.

Sede in Mogadiscio — Capitale Shs. So. 1.000.000

**AVVISO DI CONVOCAZIONE DI ASSEMBLEA ORDINARIA**

Gli Azionisti della Società Prodotti Alimentari - S•PRAL - S.p.A., con sede in Mogadiscio, sono convocati in Assemblea Ordinaria, presso la Sede Sociale per il giorno 5 Giugno 1976 alle ore 10,00 in prima convocazione e, occorrendo, in seconda convocazione per il giorno 12 giugno 1976 alla stessa ora e nello stesso luogo per deliberare sul seguente :

**ORDINE DEL GIORNO**

- 1) Relazione del Consiglio di Amministrazione e Rapporto del Collegio Sindacale;
- 2) Presentazione Bilancio e Conto Perdite & Profitti al 31 Dicembre 1975 e deliberazioni relative;
- 3) Emolumenti al Presidente del Consiglio di Amministrazione.

Hanno diritto di partecipare all'Assemblea gli Azionisti iscritti nel Libro Soci almeno cinque giorni prima di quello fissato per l'Assemblea e che entro tale termine abbiano depositato le loro azioni presso la sede Sociale o presso un Istituto Bancario in Mogadiscio.

**IL CONSIGLIO DI AMMINISTRAZIONE**

(100)